

ADYAYA I

PURWAKA

1.1 Dadalan Pikobet

Basa Bali pinaka peplajahan *muatan lokal* ring sekolah sane malajahin indik, basa, sastra, miwah aksara Bali. Basa Bali sampun kapalajahin duk ring Sekolah Dasar (SD) kantos ring Sekolah Menengah Atas (SMA). Ri sajeroning peplajahan basa Bali akeh madue materinyane sekadi kasusastraan Bali, aksara Bali, miwah basa Bali. Panglaksana peplajahan ring kelas punika nenten lempas antuk *peran* guru ri kala nglaksanayang peplajahan, saking pikolihan pratiaksa peplajahan sane kalaksanayang ring SMA Negeri 1 Semarang utamaipun ring kelas XI MIPA 5 punika kantun wenten kakirangannyane, sakadi guru durung ngwigunayang *media* sane *inovatif* punika ngawinang *minat* sisia nyarengin peplajahan punika kirang. Ring tetilikan puniki materi sane pacang kaange inggih punika paribasa Bali. Maosang indik peplajahan paribasa Bali ring sekolah peplajahan paribasa sane kalaksanayang punika kantun wenten kekirangannyane. Kekirangan punika prasida katincapang malih antuk ngwigunayang *media* sane *inovatif* tur prasida nincapang *motivasi* sisia ri kala nyarengin peplajahan paribasa Bali. Peplajahan paribasa punika mabuat pisan ring kauripan sisia, taler peplajahan ring sekolah nenten lempas antuk paiketan sareng guru, antuk punika guru madue swagina sane mabuat pisan ring sekolah.

Guru sajeroning nglaksanayang peplajahan pastika ngwigunayang *model* peplajahan mawinan *model* peplajahan punika prasida mabuat pisan anggen nyarengin parikrama peplajahan. *Model* peplajahan punika wenten akeh soroh

sorohnyane, *model* peplajahan punika dahat mawiguna pisan majeng ring guru antuk nyarengin pula-pali peplajahan ring kelas. *Model* peplajahan sane kaangen olih guru punika pastika nganutin peplajahan sane pacang kalaksanayang, tegesnyane *model* peplajahan punika nganutin materi sane pacang kaangen. Yening selehin sekadi aab mangkin akeh sisia sane kimud utawi nenten uleng sareng materi-materi sane kajahin olih guru punika, minabang punika wenten nenten anut ring sekancan piranti miwah sarana sane kaangen guru ri kala ngajahin ring kelas.

Pikobet indik peplajahan paribasa Bali taler kapanggih ring kelas XI MIPA 5 SMA Negeri 1 Semarapura, pamargi peplajahan paribasa Bali ring kelas punika nenten lempas saking pikobetnyane sekadi sane sampun kawedarang ring ajeng, guru bahasa Bali, Ni Kadek Fitriani, S.Pd.B. Maosang sisia kantun kirang ngresep indik peplajahan paribasa Bali mawinan asapunika peplajahan patut kalaksanayang nganggen *model* utawi *metode* sane mapaiketan sareng materi peplajahan, tiosan kadi punika akeh guru sane durung ngwigunayang media peplajahan sane *inovatif* boya ja nganggen buku kemanten.

Maosang indik pikobet sane sampun kawedarang ring ajeng, antuk punika saking makudang-kudang tata titi manah tetilikan puniki ngwigunayang *model* peplajahan sane prasida nincapang kawagedan sisia rikala malajah basa Bali utamian ipun paribasa Bali, *model* peplajahan sane kanggen inggih punika *model* peplajahan *koopertaif tipe STAD (student teams achievement division)*. Indik *media* sane pacang kaanggen ring tetilikan puniki inggih punika *media audio visual* saking tembang pop Bali sane madue basita paribasanyane. Antuk *model*, miwah *media*

punika dumogi kaaptiang mangdane prasida mawiguna. Antuk *model* peplajahan punika dumogi kaaptiang mangdane prasida mawiguna.

Model peplajahan sane prasida kaangen ring tetilikan puniki ri kala malajahin paribasa Bali inggih punika *model* peplajahan *kooperatif tipe STAD*. *Model* peplajahan kooperatif inggih punika *metode* peplajahan sane nujuang ring pawakan miwah tata manah sajeroning peplajahan matempek sane nganutin miwah sisia lan matetujon mangda *saling memotivasi* sareng tempekannyane. *Model STAD* kalimbakang olih Robert Slavin lan sawitrannye ring Universitas Jhon Hopkin (1995). *Model* peplajahan kooperatif tipe STAD inggih punika model peplajahan kooperatif sane pinih *sederhana*, miwah sane prasida kawigunayang olih guru sane wau ngangge peplajahan kooperatif. Pamargi *model* peplajahan tipe (STAD) puniki sakadi “Sisia ring sajeroning kelas punika kakepah antuk pat ngantos limang tempekan, ring tempekan punika sumangdane *heterogen/campuran* lanang miwah istri olih (Ibrahim & dkk, 2000).

Sesampune ngwigunayang model peplajahan sane patut punika mangda kasarengin nganggen media sane *inovatif* mawinan panglimbak jagat mangkin sampun sayan-sayan ngelimbak. Media sane *inovatif* punika sakadi ngwigunayang media-media nincapang uratian sisia ri kala malajah, sekadi nganggen pirantinyane ring sekolah pinaka *LCD, proyektor*, miwah sane lianan. Media sane kaangen ring tetilikan puniki inggih punika nganggen media *audio visual* nganggen *video* tembang pop Bali kaangen nincapang kawagedan pangresepnan sisia malajahin paribasa Bali. Saking piranti punika guru prasida ngelimbakang pamargi peplajahan sakadi nganggen video tembang Bali anggen pangresepnan sisia ri kala malajahin indik paribasa Bali mawinan ring tembang Bali punika akeh pisan wenten basita

paribasa antuk punika sisia prasida malajain utawi nyorohang sane encen ngaranjing ring paribasa Bali.

Telitikan indik paribasa Bali sampun polih kalaksanayang olih makudang-kudang panilik sane lianan inggih punika, 1) Wati (2022), 2) Pramidana (2022), miwah 3) Erlina (2021). 1) Tetilikan saking Wati (2022) sane mamurda “Panglaksana *Model PBL (Problems Based Learning)* kaange Nincapang Kawagedan Paribasa Bali Sisia Kelas X MIPA 2 SMA Negeri 2 Tabanan” telitikan punika nyutetang indik penglaksana model PBL kaanggen nincapang kawagedan Paribasa Bali, sane ngabinayang telitikan punika inggih punika *model* pelajaran sane kaangen, sekadi ring *model PBL* nyantenang indik *pemecahan masalah*, yening *kooperatif* tipe STAD nyantenang indik *kerjasama* tempekan, ring tetilikan puniki pateh ngwigunayang materi indik paribasa Bali, 2) Tetilikan saking Pramidana (2022) sane mamurda “*Media Audio Visual* Kaanggen Nincapang Kawagedan Maparibasa Bali Antuk Video Lawak Bali Sisia kelas XI MIPA 1 SMAN 1 Sukawati” tetilikan puniki nyutetang indik sapunapi kawigunaan *media audio visual* kaangen nincapang maparibasa Bali nganggen *video lawak* Bali, pabinayan saking tetilikan puniki inggih punika *video* sane kaangen mabinayan panilik nganggen *video* tembang Bali, indik materinyane pateh nganggen paribasa Bali, miwah, 3) Wenten tetilikan saking Erlina (2021) sane mamurda “*Media Audio Visual* Kaanggen Nincapang Kawagedan Paribasa Bali Antuk Gending Pop Bali Sisia Kelas VIII E SMP Negeri 1 Tabanan Warsa 2021”, pabinayan saking tetilikan punika nyantenang indik *media* sane kaangen, yening tetilikan puniki nyantenang indik sapunapi pamargi *model* peplajahan, indik materi miwah *media* sane kaangen pateh nganggen gending pop Bali, sareng materi paribasa Bali.

Kadasarin antuk makudang-kudang pikobet sane kapolihang ring ajeng, ring tetilikan puniki pacang kawigunayang *model* peplajahan *kooperatif tipe STAD* sane prasida nincapang kawagedan sisia ri kala malajahin paribasa Bali ring sisia kelas XI MIPA 5 SMA Negeri 1 Semarapura. Punika mawinan murda tetilikan puniki “Nincapang Kawagedan Paribasa Bali Antuk Model Peplajahan *Kooperatif Tipe STAD (Student Teams Achievement Division)* Sisia Kelas Xi Mipa 5 Sma Negeri 1 Semarapura..” Tetilikan puniki ngaptiang mangda *model* peplajahan *kooperatif tipe STAD* puniki prasida kamargiang ring sekolah antuk malajahin paribasa Bali, mangdane sisia punika sayan waged malajahin paribasa Bali.

1.2 Ngrereh Pikobet

Nganutin dadalan pikobet ring ajeng, tetilikan puniki ngamolihang makudang-kudang pikobet sane sampun kapolihang mangdane prasida mapaiketan sareng nincapang kawagedan sisia maparibasa Bali. Pikobet sane sampun karereh inggih punika: 1) Uratian sisia ring sajeroning malajahain Paribasa Bali kanton rered, 2) Peplajahan paribasa Bali sane kalaksanayang ring sekolah durung ngamolihang pikoli sane *maksimal* antuk punika patut nglimbankang malih nganggen *model* peplajahan sane lianan, saha 3) Kirangnyane ngwigunayang *model* pinaka sarana anggen peplajahan.

1.3 Ngwatesin Pikobet

Ring sajeroning telitikan sane pacang kelaksanayang patut nureksain malih pikobet sane sampun karereh ring ajeng pikobet punika kawatesin mawinan kabanda antuk galah mangda prasida ngicenin galah sane tiosan majeng ring para panilik tiosan ri sajeroning nyangkepin miwah maripurnayang tetilikan. Malarapan antuk punika, pikobet sane pacang kawatesin inggih punika (1) Uratian ring

peplajahan paribasa Bali kawatesin antuk (wewangsalan, peparikan, sesenggakan, bladbadan, cecangkitan, cecimpedan), (2) Tetilikan puniki ngwigunayang *model* peplajahan *kooperatif tipe STAD*, miwah (3) Jejering saking tetilikan puniki magenah ring kelas XI MIPA 5 SMA Negeri 1 Semarang.

1.4 Bantang Pikobet

Nganutin dadalan pikobet sane sampun kawedarang ring ajeng, bantang pikobet sane prasida kapolihang inggih punika.

1. Sapunapi wangun peplajahan ring sajeroning pamargi model peplajahan *kooperatif tipe STAD* kaangen nincapang kawagedan paribasa Bali Sisia Kelas XI MIPA 5 SMA Negeri 1 Semarang?
2. Sapunapi panincapan peplajahan nganggen model peplajahan *kooperatif tipe STAD* kaangen nincapang kawagedan paribasa Bali Sisia Kelas XI MIPA 5 SMA Negeri 1 Semarang?
3. Sapunapi indik panampèn para sisia ri sampunè ngamargiang model peplajahan *kooperatif tipe STAD* kaangen nincapang kawagedan paribasa Bali Sisia Kelas XI MIPA 5 SMA Negeri 1 Semarang?

1.5 Tetujon Tetilikan

Maralaparn antuk bantang pikobet sane sampun kapolihang ring ajeng, tetujon ring tetilikan puniki, inggih punika.

1. Nlatarang wangun pamargi peplajahan model peplajahan *kooperatif tipe STAD* kaangen nincapang kawagedan paribasa Bali Sisia Kelas XI MIPA 5 SMA Negeri 1 Semarang.
2. Nyantenang model peplajahan kooperatif tipe STAD kaangen nincapang kawagedan paribasa Bali Sisia Kelas XI MIPA 5 SMA Negeri 1 Semarang.

3. Nguningayang indik panampen para sisia ri sampune ngamargiang model peplajahan *kooperatif tipe STAD* kaangen nincapang kawagedan paribasa Bali Sisia Kelas XI MIPA 5 SMA Negeri 1 Semarapura.

1.6 Kawigunan Tetilikan

Kawigunaan tetilikan puniki kakepah dados kalih inggih punika kawigunaan pamucuk (*teoritis*), miwah kawigunaan panglimbak (*praktis*). Kawigunaan pamucuk inggih punika kawigunaan tetilikan majeng ring panglimbakan widya. Punika mawinan, kawigunaan pamucuk puniki nglimbakang widya sane katetilikan saking soroh *teoritis* inggih punika ring peplajahan paribasa Bali. Vening kawigunaan panglimbak inggih punika kawigunaan ri sajeroning tetilikan sane prasida mabuat majeng ring sekolah, guru, sisia, miwah panilik sane lianan.

1.6.1 Kawigunan Pamucuk

Pikolih tetilikan puniki kaaptiang mangdane mawiguna sajeroning mata pelajahan bahasa Bali utamanyane peplajahan paribasa Bali. Tiosan ring punika mangdane tetilikan puniki prasida dahat mawiguna ri sajeroning panglimbak kaweruhan ring peplajahan paribasa Bali.

1.6.2 Kawigunan Panglimbak

a) Majeng ring Guru

Kawigunaan tetilikan puniki majeng ring guru inggih punika kaaptiang mangdane prasida nyarengin guru ring SMA Negeri 1 Semarapura indik nincapang pamargi peplajahan nganggen *model* sane *inovatif* ri kala ngajahin.

b) Majeng ring Sisia

Kawigunaan tetilikan puniki majeng ring sisia inggih punika, *model Peplajahan kooperatif tipe STAD* ngwigunayang tembang pop Bali kaangen nincapang kawagedan paribasa Bali kaaptiang mangda prasida dados pangweruhan majeng ring sisia tur prasida ngaresepang peplajahan indik paribasa Bali.

c) Majeng ring Panilik sane Lianan

Kawigunaan tetilikan puniki majeng ring panilik sane lianan inggih punika, kaaptiang mangda dados bantang sesuratan majeng ring panilik sane lianan ring *bidang pendidikan*, miwah prasida kaangen piranti pabinayan ri kala ngelaksanakang tetilikan.

